

تومرو : ٦٩

اجتهاد

اداره خانه

ایستانبول . جفال اوغلنده

دائرة اجتهاد

Idjtihad Constantinople

دوردنجی سنه

حریت فکریه یه خادم

نجشنبه کونلری چیقار اجتماعی، ادبی مجموعه

مدیر مرخص : الہامی صفا

آبونه

سنه لك آله ابلق

تورکیا ایچین ٤٠ غروش ٢٥ غروش

ممالك اجنبیه ایچین ١٠ فرانق ٦ فرانق

نسخه سی ٥٠ یارم

٢٧ حزیران ١٣٢٩

مناسرتلر تأسیس ایدرک و مالک متجاوزده میسیونرلر کونده درک اوکا یکی بیر شدت و فعالیت ویردی. بودامذهبی بعضی تغییراته اوغرایهراق غائر وادیسندن هند چینی شبیه جزیره منه وصورکرده عرق اصغر اقوامی آراسنه کیردی وانتشارایتدی. اوزون مجادله لر، اعتسافلر بودا مذهبنی هند طوبراغندن تمامیه سوکوب چیقاردینی حالده، یابانچی بیر زمینده شایان حیرت بیر صورتده ترقی ایدیور و یوز ملیو. نرله خلقلک دینی اولویوردی.

معلم روبر

مابعدی وار

حوادث اجتماعیه

اسکندریه قاضیسی الشیخ بختی افندی. که مرحوم شیخ محمد عبده حضرت تالینک هم فکر و هم رولرلرنددر، کریم سی فاطمه خانم و فاطمه خانم له برابر دیگر سکنر مسلمان قیزینی برای تحصیل لوندره دارالفنوننه کوندرمشدر. بو مخدرات الیوم لوندرده علوم وفنون تحصیلله مشغولدرلر. ابویئرینه کوندردکاری مکتوبلرله محیطلرندن پک ممنون اولدوقلرینی وعائله لری میاننده اولدوقلری زماندن زیاده (لوندره) ده حقوق و حیثیتلرینک محفوظ بولوندیغینی بیلدیرمکده درلر. شیخ بختی افندینک مقصدی و معلاملر بو محترم وممتاز قیزلرک اكمال تحصیل ايله مصره عودت لرلرندده مسلمان قیزلرینی تربیه و اعلا ایتک اوزره وجوده کتیریلرینی آرزو ایتدیکی مؤسسه لره معلمه، مربیه، مدیره یا عاقدیر.

جلال نوری بک — تاریخ تدریسات عثمانیه مؤلف محمدری ارکان تحریریه مژدن جلال نوری بک برادرین کچن هفته رومانیا قومانیاسنک (وهجل قارول) واپوريله وکوستنجه طریقيله قطب شمالیه متوجها شهر مژدن حرکت ایتشلردر. مشارالیهک بوسیاحت تدقیقه لری قسم شمالیده دنیانک صوگ نقطه مسکونه سی اولان [اسپیسبرغ] ه قادار امتداد ایده جکدر. بو کونه قدر هیچ برتورک متفکرینک اختیار ایتدیکی بومهم وبیوک سیاحتک شرف اولینی عالم عثمانیده جلال نوری بکه نصیب اولور. اجتهاد یاقینده محرم مقتدرک قیمدار مکتوبلری و خاطرات طریقه سیاحتیه ترین ایده جکدر. قارئلری عزی تبشیر، جلال بک افندیی تبریک ایدرز.

مطبعة خیریه وشرکاسی

عبدالله هودت

بشر ابتدائی، غیر مدرک بیر آقتوره انقلاب ایتمش حیاتدار اولاجانی یرک حیات او یونی اوینایان بیر قوقلا اولمشدر. مع مافیه بویوک بیر انقلاب بو او یوشوقلغی صصارصدی. میلاددن بش عصر اولیسی قرال نسلندن (سید حارتخا Siddhartha) ده نیلن کنج بیر پرنس، برهانلرک تعلیم ایتدکاری شیارک بوشلغندن متأثر اولاراق انزوا واستغراقده حقیقتی آرامق اوزره علمدن چکیدی. حکایات بزه نقل ایدیورکه سرایندن چیقدیغی صروده راست کلدیکی بیر دیلنجی، بیر خسته ویرلاشه فوق العاده مرحمت و شفقتی دعوت ایتمش: بیرنجی دفعه اولاراق سفالت بشر، صاف ودرین بیرقلبه تأثیر ایتشدی؛ بیرنجی دفعه اولاراق جهان، مرحمت ومغفرت سوزینی ایشیده جکدی. (سید حارتخا) حلیم ومتالم مذهبنی نشر وتعمیم ایچین (بودا) یعنی (عاقل) اولدی. یاشاماق، اضطراب چکیمکدر؛ اویله ایسه وار لغمزدن، هوسا تمزدن، سفیل اذواقمزدن واز کچلم؛ نفسمزده، ملاحظه ومحاکمه ايله، آرزوی، اعتکاف ايله محاکمه یی؛ محویت ايله اعتکافی محو ایدلم که ادراکاتک عدی، وجودک انتهایسی اولان نیروانا (Nirvana) یه یعنی نعمت مقدسه یه ایریشهلم.

بو طریق سلامتده قارداش لر مزی ده اونو تمیلم؛ دست معاومتزی انسانلره اوزاتهلم؛ بوتون ذوی الارواح ه قارشى مرحمتی اولهلم؛ مغفرت و مرحمتمز اونلرک اوزره رینه. نامتناهی بیر ملامتله اینسین. هرکسک سفالتی طانیماق، خطالری کورمک، حقارتلری عفو ایتک؛ لطفی، عفو ومغفرتی هرکسه تشمیل ایتک لازمدرکه بو الطاف، بو فداکارلق وبومحویت سایه سنده جمعیت بشریه استراحت عظمایه، ابدیآساکن وساکت اولان موته، «نیروانا» یه نائل اولسون.

او قدار صاف وغمناک اولان بو مذهب، امیدسز واللهمسز اولان بودین درحال بوتون سفیللری، ضعیفلری وحقیقلری طویلادی. اینانیمیه جاق بیر قوت ايله یاییلدی. قرال آسوقا (Asoka) اونى قبول ایتدی؛ خسته خانه لر،